

古香室遺稿
許雨亭詩

括蒼叢書第二集之


十一
十二



線
851.478
7475

舊籍

古香齋續稿




民國三十三年
五月五日

古香室遺藁敘

夫人與余三女幼安爲娣皆瑞安許氏婦也端木鶴田先生精易理通堪輿家言以廣文應召入都名重海內夫人稟家學工吟詠歸許公子後閨房之作頗多惜不永年年未三十遽棄世昨三女寄其遺藁來俾云將付梓問敘於余余惟女子重德不重才而天資穎悟喜習翰墨者則又不能禁其性之所近三女嘗有書來極道夫人賢淑有大家風余每以未得一見爲恨今讀其詩溫柔敦厚意致高遠迥非塗脂澤粉自逞才華者比信乎夫人其才其德並著乎許公子感悼遺篇謀付劖劖以永其傳余知夫人之名將與鶴田先生共垂不朽也爰述數語於簡端而歸之

國家圖書館



003052378

道光戊戌若耶女史汪潘素心撰

耀東按兩浙輶軒續錄載潘素心字虛白會稽人江西廣昌知縣潘汝
炯長女詹事府少詹事錢唐任潤室有不櫛吟稿宮詹下世僑寓都門
親課諸子道光乙酉三子同捷京兆明年仲成進士入詞林辛卯第五
子又舉孝廉鵠起聯翩熊九濟美不僅爲科名佳話有女曰任愔字琴
德任恂字瑟友並能詩云右序曰幼安則其第三女也

題詞

烏程戴銘金銅士

錦雲片片落松煤多是天孫妙翦裁詠絮吟椒知不
少下風齊願拜粧臺

落花紅泛水生春新柳絲絲裊綠勻一掉若耶溪上

路黃金曾聘浣紗人

集中有落花新柳
浣紗溪懷古諸作

西風一夜怯衣單遠宦依然似冷官每憶紫薇花底

月繡牀燈火夢長安

謂情尊大
人京師詩

絳帳春風結契初懷中正抱女相如

袁隨園題錢浣青夫人
詩集句尊公官君初與

僕訂交時女
公子正弱齡

清才厄命留遺墨應是瑤宮舊掌書

吳縣潘曾綬絨庭

傳經綺歲易堂深咏絮清才滌素襟烟雨樓頭尋古

蹟鶯花亭畔寄新吟紫藤精舍思親地白雪長歌憶

遠心如此聰明偏薄命池塘春草恨難禁謂叔總

烏程奚 疑虛白

弱歲曾聞咏絮才傳經親自易堂來古香留得遺編

在久斷音書寄大雷謂令弟叔總

姊弟聯吟憶昔時句斟字酌自相師瑤池何遠驂鸞

去恐讀人間幼婦辭稿中與叔總唱和詩甚佳

杭郡汪 鉞劍秋

篋中祕簡文姬學林下清標謝女風怪底聰明淨冰

雪前身原住白瑤宮

無限咏情小謝思瀟瀟木葉又辭枝山齋秋雨秋風

夜應憶當年唱和時

烏程王 獻一樵

賦茗簪花絕世才忽隨老鶴返瑤臺似嫌人境根難
託只許優曇一現來

蘇家蕙與左家芬一樣才華鼎足分贏得此編堪壽

世闡幽應讓鮑參軍

謂令弟小鶴

胡 瀛

蘭香深處鏡窺頻簾捲秋風倍愴神針杵敲殘明月

夜

集中有蘭香書屋夜坐及針杵之作

恰將餘事作詩人


趨庭曾侍易堂居環佩猶能讀父書珍重一編傳絕
唱至今人說女相如

附錄

端木小鶴以姊氏少坤女史畫菊屬題

上虞徐虔復寶彝

古香遺墨纔吟罷又對寒英誦楚騷莫道三秋花信
惡本來風格太孤高



古香室遺藁

青田端木順少坤著

石門

石門古洞天煙霞得奇趣扁舟指沙瀨便繫門前樹
細路入松林略約亦可渡遙看瀑布懸半空瀉煙霧
古剎撐當中巖花爛無數憶昔謝客兒登高屨覓句
犁眉亦人傑風清讀書處往哲不復還林泉勝如故
無情笑流水分頭出山去

鏡架巖

奇石可架鏡長嫌寶鏡缺誰識夜深時飛上一輪月

題美人簪蘭圖

棗花簾底曉開奩斜插還勞玉手織一片孤芳籠鬢

影新愁猶鎖翠眉尖

玉人幽恨寄瀟湘
愛汝清芬襲袂香
何必含章鬪宮
樣梅花畫出壽陽粧

雨窗即日

草堂連日雨門巷閉多時
積蘚高沿砌殘花亂入池
春寒鶯語澀霧重蝶飛遲
一望園中柳柔條踈碧絲

落花

庭花無力漸闌珊
心惜韶華倦倚欄
紅雨一簾春信
杳綠陰半畝鳥聲殘
蛛絲兜粉風難定
燕嘴無泥露未乾
生本同枝偏薄命
教人憶別恐回看

謂大雅先
兄早卒

甌柑

鄉味無如此
欠諧歲寒佳品說黃柑
金苞秋色堆盤

冷玉瓣濃香沁齒甘何處聽鷓鴣同斗酒有人丸蠟贈
筠籃擘來應比荔枝好肯讓龍牙冠嶺南

摺扇

翠劈湘江竹棱棱巧製成半規明月吐一剪晚風輕
書畫題應得巾箱疊自平卷舒隨處便涼意並頭生

甘雨亭寫望

吾愛清溪側孤亭傍小橋沙明拳鷺足春暖長魚苗
宿霧開松徑晴光上柳條柴門知不遠歸路任迢迢

秋碁

幾處寒碁不住鳴西風落木共淒清遙遙邊塞征人
夢夜夜孤村獨婦情未得聲吹遼海遠翻嫌月趁練
衣明他年若遂刀環祝寄汝何辭萬里程

從軍

白頭邊將起悲歌空說從軍意氣多暮雪橫戈衝紫
塞層冰馳馬奪黃河沙場戰鏃埋風雨鈴閣妖姬擁
綺羅太息封侯無骨相數奇落魄復如何

塞上行

征鴻南去盡戍客望鄉賒腸斷邊風起龍城急暮笳

楊柳枝詞

明湖臺榭鏡中涵萬縷柔絲綠正酣偏是天涯人送
別斷腸何必在江南

沙灣即目

溪雲藏古寺煙瀑濺危磯老樹生紅葉晴嵐日翠微
牛歸聞竹笛犬吠認柴扉地僻游人少疎林自落暉

西軒夜坐

簾捲秋光裏，深深竹徑微。
空階凝露氣，高樹掠星暉。
香近花當戶，涼生月滿衣。
吟蛩愁欲訴，切切傍寒機。

章填

一徑入巖阿，晴峯撲翠螺。
平橋低臥水，落葉半辭柯。
地僻無人到，林深有鹿過。
白雲渺何處，芝嶺勢嵯峨。

浣紗溪懷古

浣紗溪頭浣紗石，磯老煙空浪層激。
我來不見浣紗人，賸有苧蘿村月白。
苧蘿月色涼如銀，當年曾照浣紗人。
浣紗人向姑蘇去，石上苔花老不春。
吳王宮殿空煙霧，可惜青春眼中誤。
扁舟枉說逐鷗夷，五湖煙水知何處。
吁嗟乎，屨廊香徑埋秋草，悔不浣紗溪上。

老

西施廟

苧蘿村路自春風
翠羽明璫一拜中
階草遠分香徑
綠墻花飛作舞衣
紅佩環不改吳妝
服巾幘終成越國功
今日浣紗溪上過
令人弔古憶梧宮

七里瀨夜泊

暮泊釣臺下
涼波平如掌
蓬窗生夜寒
灘月挾風上
曠哉羊裘翁
泉石寄孤賞
即今垂竿處
高山人共仰
客星黯淡久
漁火照虛幌
蕭寥白雲間
但聞松吹響

錢江舟中

客途歲月太匆匆
隨宦猶欣母姊同
山色參差雲樹裏
艣聲搖曳浪花中
樓臺日映松巒麗
龕楮潮生蓼

渚通坐對蓬窗憑眺晚歸帆無數海天東

湖心亭

一點水中央孤空晚氣涼雕梁巢翡翠錦浪夾鴛鴦
萍荇連新沼笙歌送夕陽闌干迴碧亞四面納湖光

扇子亭

園亭名扇子涼意宛能招地恰二弓展形同半月描
闌迴湘女竹堦種美人蕉不待荷風送湖邊溽暑消

雪上秋夜

蛩語一鐙暗空階涼意生亂雲推月上老樹挾秋鳴
夜久河無影霜高雁有聲故鄉渺千里天未不勝情

寄靜貞姊東甌

一年容易嫩寒侵罷繡時爲獨夜吟菊怨孤花耐秋

老楓矜病葉帶霜深詩成只有蛩聲和書斷空嗟雁影沉兩地相思隔吳越天涯無限故園心

戊子五月一日 家大人得一異石於雪上易堂異文蟠蹙有松柏龍鳳之象時家大人注易於斯堂已十有二年矣羣以爲玩易得名之瑞因鐫名石上曰太鶴洞天作此紀之

官舍清於冰道炎注羲易空階寂無人庭草萋以碧星精忽然墮入地化靈石頑雲縮如拳布指方徑尺老人性嗜奇素抱米家癖滌以茗溪泉落花手親剔質堅色且黝奇紋勝雕畫上如松柏蟠下有谿壑闢龍鳳露爪尾翔翥恐煙夕再拜置棊几時時勤拂拭其狀如故山太鶴名可錫斗室生煙霞家鄉那慮隔

即此當臥游何須少文壁我思昔宏成燕質有奇獲
易注傳充宗今古重儒碩此石亦非偶要與判文策
注書十二年瑞同虹降赤天豈遣五丁移來伴岑寂
夜深應點頭研朱露華滴

月夜寄靜貞姊

皓月出雲間冷魄薄檐際我懷素心人弄影不成寐
憶姊昔于歸歲月忽云逝繡闥但孤吟相思萬千意
天涯隔甌越魚雁亦久滯衰哀惜良夕竹露滴涼吹

午院

螺窗明處獨焚香坐久渾忘午晝長繡帖翻殘人意
倦一聲知了又斜陽

秋夜憶故園

閣小似蝸居宵涼水不如忽聞千里雁未寄數行書
滌筆題新句挑燈話舊廬一年秋又暮木葉亂蕭疎

雪上易堂呈家大人

鷓鴣栖穩一枝巢砌疊青苔屋蓋茅但覺儒官多冷
趣況逢石友訂新交堂前得一異石以作清玩溪山還往休言宦首
蒼清廉可解嘲雪上注書多歲月夢吞丹篆得三爻

落葉四首和弟叔總

老樹經霜葉漸稀冷紅零落積柴扉
螿唳衰草聲時雜鳥去寒枝影共飛
古徑秋深無客過荒山日暮有樵歸
尚餘松竹依依好休道園林景物非

春前纔賞影婆娑轉眼商飈逐雁過
斷岸紅添斜照冷疎林青露遠山多
馬蹄乾響當溪踏鳥背殘霞趁

晚馱喬柳枯桐俱入畫莫愁惟悴漸辭柯
一望霜林暮靄橫遙空秋色動詩情分頭鴉隊尋巢
易篆背蟲書墮地輕帶露光搖簾幙影隨風寒入剪
刀聲關心太鶴山前路畫出樓臺分外明
無限愁思寄興同拈毫翻媿句難工畫從冷露微霜
後秋老危黃慘綠中細月梧桐都漏影涼宵蟋蟀爲
嗁風飄搖不覺詩魂警一似春殘賦落紅

湖上春曉

畫舫衝煙去湖山觸眼新曉雲排鳳翼春水蹙魚鱗
芳草鶯聲路桃花馬隊塵六橋楊柳陌早有踏青人

花神廟

焯約羣仙子何年下太清釵盤香霧重袖倚彩霞晴

玉貌當花笑風姿照水明偶來一瞻拜許否到蓬瀛

西湖雜詩

段家橋外柳絲齊行過蘇堤又白堤隔斷綠雲人不見鷺聲唳到夕陽西

踏青先上岳王墳賸有南枝倚夕曛更遣籃輿天竺去迢迢修嶺隔慈雲

湖山神廟做湖旁桃李春風各鬪芳十二花神兩行待三生修得是花王

欄迴碧亞藕香居山色湖光畫不如日暮鄰船都泊棹千家樓閣上燈初

蒹

但覺流匙滑花時薦綺筵采當菱熟後餐向蟹肥天

有客嗷添豉何人解刺船不須煩宋嫂一箸下龍涎
家大人咏菡詩有一
箸可下天龍涎之句

題李北海追魂碑

李邕刺處州時葉法善求邕爲其祖國重
作碑法善請并書弗許一夕夢法善再求

書邕喜從之未竟鐘鳴夢覺至丁字
下數點止世稱追魂碑一名丁丁碑

誰攝吟魂一縷雲憑君奴使到宵分上清六甲飛仙
籙下筆雙丁賺異文薦福可憐遭劫火韓陵無復臥
斜矐晴窗此日臨遺榻清暇能收翰墨勳

晚泊

渡頭餘落照樹杪起寒煙野闊沙平岸江空水拍天
疎鐘歸雁外殘葉亂鴉邊日暮家何在蘆叢且泊船
過括蒼古道

歸途難得遇新晴古磴盤旋不計程洞口霞蒸茹屋

暖嶺頭雨過筍輿輕行邊慣欲爭游蝶客裏翻愁聽
乳鶯回首括蒼山下路好溪桃浪漲無聲

南園

南園好風景荒廢已多時積草都藏路叢篁半覆池

藤陰勞客夢

謂秦
淮海

花下憶新詞

高則誠撰
琵琶記處

往事猶傳說

空傷歲月馳

鶯花亭

南園景物自清幽園廢亭荒幾度秋花片亂隨流水

去鶯聲嬌帶晚風柔雲依樹影空階立雨蝕苔痕斷

碣道卻憶當年秦學士落紅如海寫閒愁

秦淮海詞有春
去也落紅萬點

愁如梅
之句

甌江舟中

海天曠朗近甌東象浦潮生曲港通十里荒原煙樹
外一帆殘照浪花中晴鷗點點明沙岸旅雁行行人
暮空共道江心有孤嶼浮屠高處是花宮

舟中望江心寺作

象浦潮新落沙甌泊幾雙晚煙低低壓樹落日半沈江
菽港聞遙磬楓林繫釣艘羅浮撲晴翠嵐影入蓬窗

鹿城對月憶湖州學署

新月挂城頭清光動遠愁別來千里路歸去一孤舟
雁語傳霜信鷗波渺舊游易堂恐回首花發白蘋秋

葡萄

美種來西域瑛盤合薦肴味真瓊液釀色欲水精滄
藤老瘦蛟舞珠圓飢雀指何當濃作酒一醉佐山庖

冬夜憶家大人時接都中來書

獨坐思親意黯然忽來尺素讀燈前封時遠帶邊霜
結寄到遲當凍月圓老墨周詳猶似昔紫藤開落幾

經年

時居京邸紫藤
精舍注周易

拂衣歸隱知何日欲買青山待俸錢

西湖泛月圖爲雲置夫子題

銀河低挂纖雲收涼宵氣逼風露秋西子湖頭月如
鏡微波激灩乘扁舟兩岸荷花紅十里扁舟蕩入荷
花裏夜深萬籟寂無聲月冷化烟烟化水湖水平連
鏡面光望湖樓外青天長手招嫦娥下天闕霓旌羽
蓋何飛揚空中不礙晶簾隔浩浩乾坤蕩一白記否
前身住廣寒何年謫作烟波客孤山處士門未扃幽
懷欲訪孤山亭玉簪化去八百載古月空照今人清

詩船一夜拂鏡去彷彿仙源鏡中遇今日蘇堤憶舊
遊蒼茫煙月知何處勝地難得長流連知君寄興非
偶然明湖收取歸尺幅眼底時結煙霞緣

春園偕弟小步

曉徑尋芳喜共隨春光如畫入新詩綠茵滿地疑鋪
席翠篠橫堦當補籬睡蝶夢圓穿樹去曉鶯聲倦出
花遲閒來滌筆多吟興渾忘窗前日影移

東甌紅花詞

年年花事說甌東忙煞春閨到處同難得新晴天氣
好玉樓人倚夕陽紅

桃花落盡柳花新一桁紅雲引美人臺榭半涵明鏡
淨雞鳴布浣謝池春

括州凍綠詞

山城寒近製衣忙
白地平鋪待早霜
一夜西風吹綠
上可知青女妬紅粧
翻疑纖手染難勻
淺碧經霜色始新
曉陌看同春草
色儂來算作踏青人

小溪

渡口柳如絲
烟村淑氣遲
浣紗人去後
潭水空清漪
芳草碧千里
桃花紅一枝
我來春未老
心戀夕陽時

大水紀事

年年狂蜃慣爲災
水雜江湖折復回
一望波光渺無
際
漁舟高過女墻來

水痕直欲上窗紗
門巷牽船壁繫槎
細雨斜風淒欲

絕樓居應合喚浮家

性命鴻毛到此輕
墻頭雞犬噤無聲
居人盡日炊烟斷
渚鷺沙鷗飛入城

昨宵水落露高堤
林鳥頻呼滑滑泥
猶有低田耕不得
村牛浮鼻過前溪

天晴水落四壁蕭然因成一律


山城雨初霽望眼到芳郊
溪落波千尺堂收水一坳
驕魚愁入市晴鳥喜歸巢
老屋西風破檐頭待束茅

十六夜望月

遠山人夜淡如烟
萬里長空皓魄懸
休說清光猶似昨
今宵已減一分圓

靈襟獨抱清光大來掃
盡脂粉氣當推近時閨秀

之冠烏程戴銅士銘金評



跋

錦淮束髮時嗣祖母端木宜人手一編示淮曰此古

香室詩余女弟許孺人遺稿也孺人有才無福坎

壑一生余所收僅此吉光片羽彌可珍惜他日倘

得刊成小帙附太鶴集後以傳是吾志也淮謹誌

之不敢忘乃淮與諸弟未冠失怙嗣祖母旋亦棄

養此稿遂不忍讀什襲藏之歷有年所近出尋繹

蓋皆孺人在閣時作集中有寄姊東甌詩可證也

至于歸後所作集中都未錄及意許氏必另有藏

稿惜受詩時未及進質今已不可得矣竊念嗣祖

母宜人青年守志晚荷旌閭之典戚族榮之女弟

復以金閨淑質雅善吟咏一以節見一以才稱人

皆謂承先外曾祖鶴田先生家學具有淵源云

淮

懼其久而就湮無以慰先志也爰錄付梓并任校
讐至其詩之品格題詞已詳列矣何敢贊一詞刻

竣謹識數語於後光緒十二年歲次丙戌夏四月

洪錦淮謹跋

古香室遺稿一卷端本順著青田縣志書目
有汪潘素心敘謂歸許氏後閨房之作此卷
据洪錦淮跋考之是素心所敘之稿爲許氏
別有錄藏非即此本今許氏所錄已佚惟素
心之敘僅存遂以移弁此卷按端木太鶴先
生有女二人長悟原字靜貞歸瑞安洪氏錦
淮跋稱祖母宜人者是次順字少坤歸瑞安
廈門提督許松年第二子嶽恩素心敘所稱
許公子也悟原早寡順不永年續浙江通志
稿謂順寡居守志則歧誤矣民國二十九年
臘月同邑劉燿東識於晚成宦

神雨庭韻稿




改圖三十一號
新編日語辭

序

魏文帝謂文章不以隱約而弗務不以康樂而加思
未必然也昔子美丁天寶之亂惻惑生民放翁值靖
康之災惓懷故國傷時感事厥辭益工白樂天所謂
文章合爲時而著歌詩合爲事而作不更變亂不遇
窮厄辭固不能工也麗水許雨庭先生肥遯不仕以
布衣終窮矣姤紅羊之禍顛沛流離窮矣宜其辭之
工也可以傳矣雖然流離草自序云鈞自髫齡究心
鑒別二十年心力盡瘁零縑敗紙間其精於書畫之
品評可知吳爾慶題辭云他日定成許叔重文同彝
鼎在人間其精於篆籀之訓釋又可知惜乎僅以詩
傳也

中華民國二十二年五月十日後學平湖錢南揚謹
序時避地南田




題辭

桐城吳爾慶

一瓢高隱括蒼山
今我才窺豹一斑
他日定成許叔重
文同彝鼎在人間
時同治二年端陽後六日


庾山焦作梅

擺脫塵豔獨臻妙
詣當紅豆花前
微吟再過使人魂
夢俱清時同治甲子季冬月



浙江文獻展覽會專載

麗水許一鈞字雨庭別署天末相思主人清道光間
國子監生詮敘不受官以布衣終工詩與青田端木
百祿齊名又善書畫此流離草一卷爲咸同間避亂
時作卷首有自序



許雨庭先生遺稿目錄

卷一

過桃花隘

讀徐天池墨蹟

拜月詞四首

王莽貨布歌

讀板橋雜記四首

卷二

流離草 并序

避亂石坑書寓齋壁

登石門山絕頂

中元夜登石帆山同留麗苔茂才

外垵村居

詩詞類集
甌江晚泊眺文信國祠

江心夜月

聞武林再陷寄德甫

辛酉除夕

壬戌元日試筆

春愁

東章蕙庭步瀛獻之雲爛兩明經

與舍弟小飲作

湯翁桐庚時以園蔬見貽感賦一首

甌城被圍懷葉都督炳忠

再寄箇人

感懷

卷三 石颿山堂草稿

西山歌

林下訪王薊洲

寓舍冬日

酬芾南

貧居

寒夜

冬至

近況

戴侍郎畫扇歌

某統領

送王薊洲遊東嘉

贈吳露軒

龕潭舟中觀梅

藝鉢

讀舅氏林石泉先生豔體遺稿

瓶梅

擬李長吉美人梳頭歌即次原韻

和斗山姊丈癸亥元日見贈

紙糊塗

癸亥元夜

上元次日得金華捷音

飲酒歌贈胡斗山姊丈

白桃花

小樓春望

贈江北故人

草堂春日

卷四

相思草

盆松

盆桃作花

春情

堂女姪掌珠適鄭氏數月而寡守志二年矣顛
頤可憐書此贈之

晨起鋤花朱儒臣都督德樹過訪適書記沈君
不期亦至淪茗小談率成一首

可嘆

過佩瑤校書故居

送從兄琴軒太守赴閩南

送友人入山修道

采珠詞

并序

歲暮遣懷

臥病

鎮東樓

挽譚友純

九月八日雨窗獨酌

杜門

黃龍驛

寅齋夫子新闢小園以詩見示敬步原韻

贈葉把戎

拾遺

失題

幽居


附錄

東許雨庭

佚名

看山樓喜晤許禹庭

端木百祿



許雨庭先生遺稿卷一

麗水許一鈞雨庭著

過桃花隘

馮公棲隱處桃花燦□□□初作戰場桃花困攀折
我爲看山來哀此衷腸裂王道自平平干戈成屹嶠
無如滄桑際功成稱豪傑想當駐營時檠戟光如雪
鞞鼓動地來頃刻生死訣白骨埋塵沙勝負逞勇烈
泗國□□□風肝腸眞如鐵至今白日昏陰氣林端結
灑淚濕山花紅似戰場血

讀徐天池墨蹟

天池道士人中傑筆墨精靈不可滅鬼神呵護三百
年紙墨如新無遺缺淨几明窗一展翫清芬如嚼梅

詞月房
卷一
一
花雪想見揮毫落紙時天機浩浩黃河決羣龍戲海
鶴遊天縱橫不蹈鍾王轍嗚呼先生牢騷人兀傲皆
從筆端洩筆端墨瀋何淋漓可憐盡是胸中血

拜月詞

風捲香雲寶鏡開青天一色淨無埃深閨少婦多情
思手熱爐香待月來

稽首霜娥淚閣霖香浮寶鴨漏聲沈蕭郎去後無消
息碧海青天共此心

更有相思欲訴難簾櫳如水夜光寒妾心好似風前
燭燒到心灰泪不乾

西樓留得月痕深四壁蟲聲夜向晨爲祝嫦娥須
口從今休照倚樓人

王莽貨布歌

高陽有五金泉幣居其一太公立九府秦漢皆祖述
其間製造或不同五銖半兩難綜悉咸豐壬子月維
寅客有示我貨布珍肉好不免蝕土繡篆書兩字猶
精神我聞新莽天鳳年詔書下罷大小錢兩柱法古
安陽幣上林三宮盡捐棄漢家合德無顏色遂至神
器歸叛賊旋見白水真人出令我摩挲發嘆息古人
不再見古物良足好新莽篡炎漢天人共誅討禹鼎
湯盤渺不存篡臣異製何足寶嗚呼篡臣異制何足
寶

讀板橋雜記

干戈擾亂南都日舊口口口口事渺茫剩有先生綺麗

筆殘箋間與吊興亡

江左諸侯龔與錢儒林風雅仰宗傳如何四海沸騰
日猶有閒情歌管弦

任俠風流蕭伯梁輕裘肥馬少年場可憐轉瞬繁華
歇長板橋頭半夕陽

馬阮庸流感慨多多情爭唱苧蘿歌他年相訪橋邊
院爲問烟花近若何

許雨庭遺稿卷一終

許雨庭先生遺稿卷二

麗水許一鈞雨庭著

流離草

并序

鈞自髫齡究心鑒別二十年心力盡瘁零縑
敗紙間五七韻言實未曾窺門徑不過如春
鳥秋蟲感時或鳴耳辛酉夏五郡垣再陷越
歲秋七月克復中間流離播遷得詩凡四十
餘首大都感事傷時悲歌怒罵之什雨窗檢
閱因悉焚之僅錄臨眺閒適十數篇而風月
閒情則與焉書端而曰流離草舉國皆醉我獨
醒醒人語終難爲醉人聽也文字有禍機在
篇什刪存吾知所慎矣古括許一鈞

言月房道真
卷二十一
一
遊亂石坑書寓齋壁

早有山居志塵勞未可刪不期因世亂翻得此身閒
松竹愜心賞兒童任意蠻沽來村酒薄燈下慰慈顏

登石門山絕頂

晨興發幽致開懷上層麓涼雨鬱松杉薄曦散篁竹
蒼茫平楚迷突兀遠峯矗俯視百尺潭仰承千丈瀑
好風劃明鏡微波縹輕縠躡屐更躋攀振衣窮紆曲
一氣開混元千秋想遐邈謝客鑿山遊賤子窮途哭
浩劫未換羊中原競逐鹿美人不可期哀哉嘆乳獨
中元夜登石帆山同留麗苔茂才

秋風蕭瑟秋氣清石帆山上山蟲鳴振衣絕頂拂磴
坐萬松怒號孤月明琳宮寂靜烟雲瑣玉盆光射琉

璃瓦六角亭虛妙絕塵俯瞰烟溪自傾瀉留生告我
戊午辰天潢夜半明妖氛舳艫鐵索橫相守山中松
柏摧爲薪我聞驟覺悲難止況因避亂重遊此中山
美酒沽不來拭目戰看蝸角蟻此時籟寂羣山空舉
頭明月行天中吁嗟世事至今良已矣與爾何不攜
手躍入水晶宮

外洋村居

柴門無事不曾開戎馬驚心日幾回故里定荒三徑
菊壯懷同燼一爐灰徵租歲歉看孫穗沽酒村貧少
舊醅日暮涼蟬嘶不斷虛堂叉手獨徘徊

甌江晚泊眺文信國祠

遠眺文公廟興亡動客愁長天危塔影孤嶼接潮頭

日落忠魂在江空
兵氣浮風波正滿
目誰哭舊金甌

江心夜月

異服殊音不可親

用唐句

沙平潮落雁爲鄰
遙知夜靜

家園月應有凭欄
滴淚人

聞武林再陷寄德甫

楚妃巷裏紅顏盡
齊女門前碧血陳
歌舞樓臺舊遊處
可憐零落不成春

辛酉除夕

落魄飄零剩此身
來朝宇宙又重新
西陵痛哭先皇帝
臣是三朝清白民

壬戌元日試筆

同治紀元靈祚永
延建寅初吉紅日滿
天瑞慶大來

祆災盡蠲歲期有秋民祝萬年

春愁

柳是相思樹桃真短命花春愁無着處影亂夕陽斜

東章蕙庭步瀛獻之雲爛兩明經

連雲寺名記借僧房宿翦燭清談雪霽初已約鶯花近

寒食便攜杖履到蓬廬甕頭酒向隣翁沽門外苔呼

稚子除後夜月明能過我落紅如雨滿山居

與舍弟小飲作

隔院棠梨初破萼斷堤楊柳已垂條山廬春好須同

醉自斷香泥嫩筍燒

湯翁桐庚時以園蔬見貽感賦一首

世人誰念舊此老獨情多村路不辭遠柴門時一過

言下月... 卷二... 三二
自將兒種菜佐我市來醯亦是王孫飯他年待若何

甌城被圍懷葉都督炳忠

書生愁陣記圍時欲發森嚴令一枝

客秋余爲黃遊擊所困蒙公力援得脫

此日荒城圍更急春營細柳繫相思

再寄箇人

眉想青山髻想螺茶蘼花報好春過鶯兒葉底流言
巧梅子枝頭酸意多夜月琵琶羞別調秋風團扇漫
悲歌黃姑看靜橋邊浪雨洗雲車便渡河

感懷

烽火幾時歇幽樓百感生窮山行客險惡俗健兒橫
米貴金偏賤官高命轉輕夕陽徐步處白骨野田平
許雨庭遺稿卷二終

許雨庭先生遺稿卷三

麗水許一鈞雨庭著

石颿山堂草稿

西山歌

西山兮崔嵬鴻雁兮不來美人兮獨立北望兮心哀

林下訪王蕪洲

柴門犬吠日西斜紅樹青溪似若耶異地相逢惟有
淚故園見說已無家布袍霜後妻閒補茆店秋深酒
易賒他日結隣如踐約與君白首老桑麻

寓舍冬日

頻年踪跡滯荒村短日窮簷蝨坐捫故妓有靈還薦
夢知交無恙亦鎖魂樓頭黃葉飄霜瓦屋角青山落

酒尊舊業蕭條歸未得山城況復向兵屯

酬芾南

相逢即捧喝回首悟迷津惜我曾三嘆如君有幾人
月修前夜缺夢洗隔年塵獨怨登廡者其如不負臣

貧居

貧居風味最清淒膽落頻年烽火迷四野民懽天放

日九霄恩重詔封泥

恩赦從
逆百姓

敝裘已轉朝圍火敗葉添

薪暮煮糲更有傷心拋不得慈烏猶向別枝棲

時因發
賊未退

三弟侍母
留寓黃里

寒夜

寒夜不成寐一鐙如豆微風嚴霜有信寒極火無威
鬢髮緣愁改鄉關怕夢歸猛懷諸舊侶窮巷困牛衣

冬至

雲愁天欲雪，律轉氣回陽。遊子逢佳節，思家幾斷腸。
蟲沙蝸角戰，歲月彈丸忙。野哭多新鬼，何人祭北邙。

近況

寥落田園生計艱，窮通隨分且開顏。勤能致富猶防
俗，貧則無聊轉覺閒。善病久荒窗北硯，結茅空羨畫
中山。先人尚有遺書在，消受光陰好閉關。

戴侍郎畫扇歌

妙繪摺疊青琳琅，古木蕭瑟寒山蒼。
扇作古木寒山圖誰其作

者，極幽潤盡節西湖老侍郎。侍郎畫筆今顧陸，石渠

奉詔窺珍藏。
公曾奉命鑒別內府書畫臨摹直欲賤松雪，慘澹無乃

並倪黃。昔年爲我作此筴，高齋翦燭西風涼。
款署乙卯八月剪燈

聽雨軒
爲某作

湖山轉瞬亂戎馬擲筆丹青朝先皇平原遺草
眉山竹秘賞不惜千金裝豈惟墨趣畢能事臣節至
今猶軒昂晝暇探囊一展讀清風拂拂襟懷香教兒
世守勿遺失草廬夜半生光芒

某統領

雪滿陰山好獵遊元戎新御鷓鴣裘捷書未報收鄰
郡薦牘爭傳拜少侯子弟陣前私換馬美人帳下醉
聞謳黃金日調供揮霍不賞三軍賞莫愁

送王薊州遊東嘉

之子勞行役時艱歲又殘舊交餘我輩此別最心酸
風雪溪山暮兵戈道路難江心如輟棹尺素報平安

贈吳露軒

稻梁謀不易遲暮尚依人
天地窮吾黨江湖老此身
梅花村路雪殘夢馬頭塵
日夕投荒驛西風散鬼燐

龕潭舟中觀梅

孤村茆屋抱山斜十里寒溪清見沙
願乞一帆風勢逆好遲片刻看梅花

蠶鉢

蠶鉢復蠶鉢蒼壁冰紋活過雨漏天
青瑩光未許奪風雪滿虛堂抱眠裏
殘褐未可託沿門還以獻菩薩

讀舅氏林石泉先生艷體遺稿

按林育萬字石泉有豆蔻村人詩稿

一展遺詩淚便傾孤山梅落鶴無聲
中郎書妙難傳

子松雪才清愧作甥

舅無子能築隸畫法元四家

綺語昔爲花定譜幽

魂還與月修盟劇憐籬菊舒黃日
潦草兵戈了此生

瓶梅

寥寂山堂日又昏
梅花幾樹淡孤村
一枝柳借春歸
座午夜相思月到門
素壁鐙斜移瘦影
瓦瓶泉冷濯清魂
嗟予已忘去辭家久紙帳因伊夢小園

擬李長吉美人梳頭歌即次原韻

錦雲壓夢沉水寒
博山燄死灰旃檀綺寮斂霧射紅
玉沐雨花枝春睡足奩匣初開
明月光侍兒捧立對
銀牀幾綵青絲香委地
雙眸斜昵春雲膩
遊龍婉若烏金色
繞指屈蟠盤不得
寶釵紫玉簪
九雛一灣藕臂慵無力
鞦韆影拂柳絲斜
風敲庭竹聲沙沙
妝成不語垂簾坐
羞插枝頭並蒂花

和斗山姊丈癸亥元旦見贈

文章推老輩花柳媚新年小幘宜春帖清歌白雪篇
草廬寬歲月素壁走雲烟且莫從高隱至尊正選賢

姊夫將以
明經謁選

紙糊塗

春燈元夕滿街衢不羨聰明反羨愚只恐聰明損年
少攤錢爭買紙糊塗

癸亥元夜

虛堂夜靜無鐙火潭壁山頭月半銜遠憶荒城簫管
歇有人彈淚濕春衫

上元次日得金華捷音

捷書望斷首頻搔此日單于報遁逃婺女再看明碧
漢將軍不負擁朱旄終期曠野誅延蔓生恐前灘起

怒濤燈火樓船今夜月佳人又唱鬱輪袍

飲酒歌贈胡斗山姊丈

君不視天旋日轉如飛梭英雄萬古聽鍛磨又不見
北邙山頭堆白骨昔時歌舞憐嬌娥富貴於儂亦何
有勸君且勿嗔坎軻古來聖賢雖寂寞蟲沙猿鶴終
殊科對君飲爲君歌江山滿目悲風波彩雲易散鬢
易皤人生難得醉顏酡草堂白日春風多有酒不飲
當如何嗚呼有酒不飲當如何

白桃花

一種輕盈世所稀不將姿致鬥春緋紅兒絕代嫌金
粉青女離塵惜素衣再入仙山雙鬢改重來門巷昔
人非東風寂寞寒潭靜只有當年玉燕飛

小樓春望

東風吹紅紅可憐高樓獨立思悠然荔支醉酒一千
日桃花作飯二十年西影扶桑速浮海南晦布穀呼
種田搥床歎世空嘔血日落空林愁荒烟


贈江北故人

風流不見張公子亂後相逢鬢已華四海一身忘久
客五陵三月夢飛花逃名吳市狂吹笛末路青門好
種瓜我亦心灰甘遁世買絲常擬製袈裟

草堂春日

晴日遊絲拂檻紗村居有客惜年華一春短影忙輕
蝶二月閒愁歎落花座上牙籤揚子酒夢中弦索美
人家睡魔擾我須消遣自拾松枝煮苦茶

許雨庭遺稿卷二終



許雨庭先生遺稿卷四

麗水許一鈞雨庭著

相思草

盆松

得之僅盈尺量材能十圍窮年甘蠖屈何日作龍飛
雨露懷恩久風雲素願違自憐同弱草無分報春暉

盆桃作花

桃花何灼灼照我書齋幃賞之宜新茗買時還典衣
似逢仙子降想見玉環肥笑殺遊春伴紅樓醉不歸

春情

杜宇聲殘月落林薄寒人起獨眠衾桃花自短東風
命蕉葉還抽夜雨心舊譜琴聲調落雁空箱書跡檢

來禽天公會解消魂意幾日闌干作午陰

堂女姪掌珠適鄭氏數月而寡守志二年矣顛

顛可憐書此贈之

孽海問揚塵洞房不見春可憐薄命女永作未亡人
破鏡愁看影寒梅好結隣紅裙壓箱底辜負一番新

晨起鋤花朱儒臣都督德樹過訪適書記沈君
不期亦至淪茗小談率成一首

平頭呼有客釋來整衣裳長揖與之坐滿身猶帶香
談兵羊叔子草檄駱賓王解識蒔花趣同聲慰我忙
可嘆

生前有酒不歌謳死後誠知萬事休香海爭傳花作
崇泉臺訐說鬼能讎烏龍不守張家榻赤鳳頻來趙

氏樓昨日故人墳下拜白楊風起暮颼颼

過佩瑤校書故居

樓角綠楊透當年蘇小家重來人不見門掩夕陽斜
夜雪黃封酒春風油壁車東隣頭白媪能說舊繁華

送從兄琴軒太守赴閩南

鏡吹發清溪溪雲熱如火送君海嶠遊別淚爲君下
歸時元夜春去日南風夏敢恕促別離官家已久假
去去勿復言努力事民社屈指涼風興南人迎五馬

送友人入山修道

香銷夢斷幾經年擬向蓬萊結後緣無計君容留出
世多情人有例登仙莫逢神女思搔背儻遇洪崖好
拍肩他日丹成如念我再騎黃鶴下青天

采珠詞

井序

采珠姓譚氏予從女甥也明眸皓齒弱質臨
風適魏氏子于歸之日嘔血卒時丙寅十月
六日也豈曇花一現合有前因邪爲作采珠
詞以哀之

白頸烏棲城頭嗁霜風吹折芙蓉枝鴛鴦解繡秋閨
女病臥銀床嬌不語舊日酥胸熱血多愁來盡把相
思吐障泥十幅畫堂開門前簫鼓還相催可憐倩女
離魂去不見天孫下嫁來媚川從此無顏色嫦娥月
殿雲沙黑掃眉才子總多情明珠入懷留不得不生
西土定生天豈羨汗泥並蒂蓮拈花笑入維摩室再
莫紅塵結好緣

歲暮遣懷

梅花落盡已殘年
寂寂山廚似禁烟
何處好投求米帖
故交不寄買山錢
羊頭爛我仍初服
桐尾焦誰解拂弦
準擬向平粗了願
便從蘇晉學逃禪

臥病

駑馬於今嬾自鞭
佚遊空負少時年
春風綠野逢僧話
夜雨青樓挾妓眠
古蹟題名嘗命筆
奇書到手不論錢
近來一病戲門久
靜臥丹房候鼎烟

鎮東樓

樓毀於賊太守清公重新之

層樓望斷欲生悲
畫棟飛簷又一時
春水種田耕白骨
西山殘壘識紅旗
東南烽靖了猶戍
市井烟稀午未炊
日昨羣公高設宴
太守與僚屬來飲于此
不知誰起黍離思

言月房詩集 卷四 三
挽譚友純

異姓弟兄同骨肉玉樓此別最傷情
可憐五月梅花落盡是山陽鐵笛聲

九月八日雨窗獨酌

風雨逼重陽新寒欺敝裳簪花且浮白
籬菊正舒黃鏡裏須眉老壺中歲月長
茱萸如可壽明日製紅囊

杜門

敲門久不出秋色到黃花老口中
中年感前生一念差貧呼兒代僕
嬾聽婦持家短景無聊度牆頭日又斜

黃龍驛

驛爲明初戰場

山川龍戰後碧血只年年草木能無恙
英雄幾自全客心投宿鳥秋意亂鳴蟬
日暮西風道垂楊絆馬鞭

寅齋夫子新闢小園以詩見示敬步原韻


移將仙境結人間
停舍南溪碧玉環
大地波瀾空競逐
先生杖履自清閒
芙蓉出水憐中婦
楊柳臨風學小蠻
天上軟紅曾入夢
何如歸守故園山

枝頭嘯鳥聽關關
樓外溪山疊復彎
絳帳清風時習習
碧湖流水日涓涓
花娛老眼宜多植
詩寫閒情未忍刪
我自門牆傳鉢後
不曾遊倦早知還

贈葉把戎

家世南陽舊業儒
一生英爽見眉鬚
山中猿鶴歸清夢
海上鯨鯢歷壯圖
君前從征台灣報國肝腸期寶劍
漫天風雨讀陰符
鑿楹尙有家箴在
恥作彫蟲小丈夫

許雨庭遺稟卷四終



許雨庭先生詩稿拾遺


失題

此客秋舊作偶
檢敗紙得之

十年無夢到皇州，獻策金門願未酬。
園卉已荒終向日，階蟲自苦不關秋。
唐衢痛哭枯紅淚，潘岳閒愁白頭。
夜半西風摧落木，雁聲遠送一天愁。

幽居

庭徑莽蕭蕭，幽居影寂寥。
打門苛吏惡，入座富兒驕。
俗債兼書債，無聊且復聊。
何當出塵網，辟穀上丹霄。



附錄

柬許雨庭


佚名

俠眼看山好天寒口索居榻因詩客設酒爲病魔除
蘿夕琴三疊花天月一鋤不須怨淪落吾道只蘧廬

看山樓喜晤許雨庭

端木百祿

主人久別爲逃秦今喜登樓相見頻眼底青山仍揖
客樽中綠酒慣留賓三秋風雨牀頭夢半榻琴書劫
外身自笑塵緣何日了不如歸與白雲親



麗水許雨庭先生詩稿多殘闕不可讀咸豐
壬子一冊僅錄得詩十一首越後辛酉壬戌
間署曰流離草有自序詩凡十六首自壬戌
十月及明年癸亥凡二十六首曰石瓢山堂
草稿丙寅迄戊辰曰相思草凡二十首又別
紙失題及幽居二首皆手寫章草頗工聞之
故老云先生豪邁不羈今誦其詩想見其人
遭時不偶淪落以終嗟其悲矣昔在清季邑
人徐壽九語余許雨庭詩有殘稿四冊恨未
獲一見後三十年丙子永嘉梅雨清出示所
藏吾括人詩稿數種果有許詩四冊即壽九
舊藏者因以流離草一冊列之浙江文獻展

覽會今審次其先後而綜署之曰許雨庭先生遺稿以其原爲四冊分卷二云民國二十九年庚辰嘉平月同郡後學劉耀東識

國家圖書館



003052378

